



"REGIONALNA DEPONIJJA MOŠĆANICA" d.o.o. ZENICA
Mošćanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-678/22
Zenica: 20.10.2022. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14, 59/22), člana 35. Statuta Privrednog društva "Regionalna deponija Mošćanica" d.o.o. Zenica a na preporuku Komisije za javnu nabavku, imenovane Odlukom direktora, broj: 02-630/22 od 26.09.2022. godine u otvorenom postupku nabavke za "Izgradnja solarne fotonaponske elektrane", direktor Privrednog društva "Regionalna deponija Mošćanica" d.o.o. Zenica (u daljem tekstu: Ugovorni organ) donio je:

ODLUKU

**o izboru najpovoljnijeg ponuđača i dodjeli ugovora u postupku nabavke
"Izgradnja solarne fotonaponske elektrane"**

Član 1.

Prihvata se preporuka Komisije za javnu nabavku, broj: 02-677/22 od 20.10.2022. godine i Ugovor o izgradnji solarne fotonaponske elektrane dodjeljuje se ponuđaču "ELCOM" d.o.o. Tuzla na osnovu njegove ponude, broj 549-10-22 od 18.10.2022. godine za ponuđenu cijenu od 99.895,00 KM bez PDV-a (nakon provedene e-aukcije), kao najbolje ocijenjenom.

Član 2.

Prijedlog Ugovora dostavit će se na potpis izabranom ponuđaču "ELCOM" d.o.o. Tuzla po proteku roka od 15 dana, računajući od dana kada su svi ponuđači obaviješteni o izboru najpovoljnije ponude a nakon što Odluka postane pravosnažna i konačna.

Član 3.

Ova odluka objavit će se na web-stranici Ugovornog organa (www.rdm.ba) u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke roba "Izgradnja solarne fotonaponske elektrane" pokrenut je Odlukom Ugovornog organa, broj: 02-629/22 od 26.09.2022. godine. Procijenjena vrijednost javne nabavke je 105.000,00 KM bez PDV-a. Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude. Obavještenje o nabavci, broj: 362-1-1-249-3-24/22 i Tenderska dokumentacija je objavljena dana, 26.09.2022. godine na Portalu javnih nabavki (www.ejn.gov.ba), te Izmjene Tenderske dokumentacije su objavljene dana 12.10.2022. godine na Portalu javnih nabavki. Sažetak Obavještenja o nabavci je objavljen u "Službenom glasniku BiH", broj: 66/22 od 30.09.2022. godine. Rok za predaju ponuda je bio do 18.10.2022. godine do 11:00 sati, a otvaranje dostavljenih ponuda je zakazano i provedeno isti dan s početkom u 11:15 sati.

Komisija za javnu nabavku imenovana je Odlukom direktora Ugovornog organa, broj: 02-630/22 od 26.09.2022. godine. Dana, 20.10.2022. godine Komisija za javnu nabavku je dostavila Zapisnik o ocjeni ponuda, broj: 02-677/22 od 20.10.2022. godine. U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda, kao i njihovu ocjenu.

Pri tome utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,
- da je ponuda ponuđača "VALTER-ELECTRO" d.o.o. Sarajevo neprihvatljiva jer ne ispunjava formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.
- da su ponude ponuđača "DELING" d.o.o. Tuzla i ponuđača "ELCOM" d.o.o. Tuzla prihvatljive, jer ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Kod ponude ponuđača "VALTER-ELECTRO" d.o.o. Sarajevo Komisija je utvrdila nedostatke koji se ogledaju u sljedećem:

- ❖ Ponuđač je u ponudi koristio neodgovarajući nacrt Ugovora o izgradnji solarne fotonaponske elektrane (Aneks broj. 4.). Naime, Ugovorni organ je dana, 12.10.2022. godine na Portalu javnih nabavki objavio izmjene Tenderske dokumentacije, gdje je između ostalog izmijenio tačku 34. Tenderske dokumentacije, pod naslovom "Rok, način i uslovi plaćanja izabranom ponuđaču". S tim u vezi izmijenjen je i nacrt Ugovora o izgradnji solarne fotonaponske elektrane (Aneks broj 4.), koji je dat u prilogu izmijenjene Tenderske dokumentacije. Pored toga, izmijenjene su još neke odredbe nacrta Ugovora. U izmjenama Tenderske dokumentacije Ugovorni organ

je propisao sljedeće: „Ponuđači su dužni u svojim ponudama dostaviti izmijenjeni nacrt Ugovora o izgradnji solarne fotonaponske elektrane – Aneks broj 4., potpisan i ovjeren u skladu sa zadatom šemom”.

Uvidom u ponudu navedenog ponuđača ustanovljeno je da nije korišten nacrt Ugovora o izgradnji solarne fotonaponske elektrane (Aneks broj 4.) iz izmijenjene Tenderske dokumentacije, već je korišten Aneks broj 4. iz prvobitno objavljene Tenderske dokumentacije koji više ne važi. Osim toga, na strani broj 2. Ponude, navedeni su elementi za plaćanje cijene, koji ne odgovaraju uslovima iz tačke 34. izmijenjene Tenderske dokumentacije i članu 4. nacрта Ugovora.

- ❖ Na strani 30. Ponude dostavljena je Garancija za ozbiljnost ponude u postupcima javne nabavke, broj: 108902/22 izdata od "ASA BANKA" d.d. Sarajevo, u kojoj je navedeno da ova garancija stupa na snagu 18.10.2022. godine u 11:00 sati, a da odgovornost Banke po ovoj garanciji ističe dana 15.02.2023. godine u 16:30 sati. Komisija je ustanovila da ovakva garancija nije u skladu sa tačkom 26. Tenderske dokumentacije, kojom je između ostalog propisano sljedeće: “Period važenja garancije za ponudu je minimalno 120 dana računajući od dana isteka roka za dostavljanje ponuda. Dan se računa od 00.00 do 24.00 sata. Bankarska garancija mora biti validna tokom cijelog perioda važenja ponude. Npr; neprihvatljiva je bankovna garancija čiji rok važenja je 120-ti dan do 16.00 sati”.

Prema tome, rok za dostavu ponuda je istekao 18.10.2022. godine a 120-ti dan kao period do kada je trebala biti validna garancija je 15.02.2023. godine do 24:00 sata. S obzirom da je u garanciji navedeno da ona ističe 15.02.2023. godine u 16:30 sati, ocijenjeno je da garancija nije izdata u skladu sa zahtjevima iz tačke 26. Tenderskog dokumenta.

Imajući u vidu sve naprijed navedeno, Komisija za nabavku je ocijenila da je ponuda ponuđača "VALTER-ELECTRO" d.o.o. Sarajevo neprihvatljiva odnosno da ne ispunjava sve uslove propisane Tenderskom dokumentacijom zbog čega je isključen iz postupka nabavke.

Nakon uvida u ponude ostala dva ponuđača "DELING" d.o.o. Tuzla i "ELCOM" d.o.o. Tuzla Komisija za nabavku Ugovornog organa je ocijenila da njihove ponude ispunjavaju formalno – pravne uslove postupka nabavke i da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

Također, Komisija za nabavku je utvrdila da je ponuđač "DELING" d.o.o. Tuzla u svojoj ponudai pored izjave iz člana 45. stav (1) tačke od a) do d) dostavio i dokaze o svojoj kvalificiranosti u skladu sa tačkom 12. Tenderske dokumentacije.

Na osnovu naprijed navedenih činjenica, Komisija je izvršila vrednovanje ponuda shodno utvrđenom kriteriju: **“najniža cijena”**, te je na osnovu tog kriterija sačinjena rang lista ponuđača prije e-aukcije, kako slijedi:

Rang	Naziv ponuđača	Ponuđena cijena (bez PDV-a) u KM
1.	"DELING" d.o.o. Tuzla	104.950,00
2.	"ELCOM" d.o.o. Tuzla	105.000,00
	"VALTER-ELECTRO" d.o.o. Sarajevo	Diskvalifikovan

Nakon toga, u sistem e-aukcije na portalu javnih nabavki unesene su sve prihvatljive ponude i zakazana je e-aukcija na dan 20.10.2022. godine u 12:45 sati. Nakon provedene e-aukcije, prema "Izveštaju o toku i završetku e-aukcije", rang lista ponuda je sljedeća:

Rang	Naziv ponuđača	Ponuđena cijena (bez PDV-a) u KM	Izvršeno umanjenje od početne cijene u (%)
1.	"ELCOM" d.o.o. Tuzla	99.895,00	4,86
2.	"DELING" d.o.o. Tuzla	100.000,00	4,72

Nakon provedene e-aukcije, a shodno utvrđenoj rang listi ponuđača, Komisija za javnu nabavku je dala preporuku direktoru Ugovornog organa da donese Odluku o izboru najpovoljnijeg ponuđača i dodjeli Ugovora o izgradnji solarne fotonaponske elektrane ponuđaču: "ELCOM" d.o.o. Tuzla, kao prvoplasiranom na rang listi.

Direktor je prihvatio preporuku Komisije za javnu nabavku i na osnovu člana 64. stav (1), tačka b) Zakona o javnim nabavkama, odlučio je kao u članu 1. ove odluke.

Pouka o pravnom lijeku

Protiv ove odluke može se izjaviti Žalba Ugovornom organu, najkasnije u roku od deset (10) dana od dana prijema Odluke.



Direktor

Sabani Adnan, Bsc.ecc.

Dostaviti:

1x Ponuđaču "DELING" d.o.o. Tuzla

1x Ponuđaču "ELKOM" d.o.o. Tuzla

1x Ponuđaču "VALTER-ELECTRO" d.o.o. Sarajevo

1x a/a